



Комсомолю Вайгяль

ЛИСЕНДИ VII-це КИЗОСЬ

ВЛКСМ-нь Мордовский
обкомъ и Саранский
горкомъ газетасна.

Адресъ: г. Саранск, Советская ул.,
Дом печати, Телефон № 1-80.

ПИТНЕЦ 5 тр.



ЛИСЕНДИ КОВТИ 12-ксть

Замечательный работань итокт

Аделавсь отличнайста и цебарь-ста тонафнемань замечательнай кизось. Многонациональной советский союза, а сяка лувксса и Мордовиясовок, начальнай, аф полнай средняй и средняй школатнень эса оцю сатфкс мархта аделавсь переводно-выпускной испытаниятне. Народнай учительский армиясь, лувомок кизаквалмонь эсь работань сатфксснон, т и е н д и х т ь работань итокт, конат сатфт учителствать колга партиять и правительствать исключительнай заботаснон вельде, лична Сталин ялгать заботанц вельде.

Мекольдень кизотнень пингста Мордовияса кассть способнай учительский кадрат, конат ламода кеподезь ингольдень кизотнень коряс школатнень эса успеваемость, цебарьгофтозь школатнень эса порядокть и ламолгофтозь республикаса образцовай школань лувксть.

Кадошкинань района Глушка велень аф полнай средняй школань учительница Чудаева ялгась эсь классонза литературань и рузонь кяль предметнень коряс успеваемость почфтезе 100 процентс. Глушковский аф полнай средняй школань математикс Воскресенский ялгась успеваемость эсь классонза пафтезе 100 процентс. Но тьяконь мархта эрив азомс, што Кадошкинань средняй школаса успеваемость аныцек 74 процент и 113 ученик илядсть второгондикокс.

Сявсась Рузаевкань районть. Шишкеевань средняй школаса испытаниятне йотаст пияцбарьста. Заслуженнай учительница Татьяна Ивановна Котловас преподает химия и биология и кафецке дисциплинатнень коряс сембе класснень эса успеваемость 100 процент. Рузаевский средняй школань учительница Савельева ялгать класса успеваемость 100 процент.

Аф калдявста йотафтозь испытаниятнень Атюрьевский района. Новочадовкань НСШ-са, коса успеваемость 96,6 процент, директорс Манширова ялгась. Манширова ялгась прекраснай руководитель и общественница и сяка пингть замечательнай преподавательница.

СССР-са народнай учительс ащи фья инь почетнай ломанькс. Тейнза максфт сембе эривикс возможностьтне и условиятне, ашкотф партиять и советский правительствать исключительнай заботаснон мархта. И сон, тя оцю доверять марнек оправданакшнесы оцю честь мархта, итнень воспитан-дасыне коммунистический духса и прививает эзост смелость, мужества и храбрость.

Советский учительс должен и обязан улемс инь почетнай гражданинкс, сон должен аф аныцек сембе вийнь путозь преподавать программас коря арьсеф обще-образовательнай навикатнень, но и сембе вийса лездомс школьник-нень творческий способностьсн развиваниятс, школьной самодеятельнай искусствать вишкопте-манцты.

ВЛКСМ-нь Мордовский обкомъ VI-це пленумоц

Исяк, Саранск ошса, Дом печатень зданиять клубсонза, пан-жевсь ВЛКСМ-нь Мордовский обкомъ VI-це пленумоц.

Пленумть эса кармавхть ванон-довама кафта кизефкт:

1. Комсомольский организацият-нень задачасна съоронь урядамать йотафтомаса и сельхозпродуктань анокламаса;

2. Ичалковский и Ромоданов-

ский райоттнень эса од ломат-тнень йоткса оборонно-физкуль-турнай работать состоянианц кол-га.

Васенце кизефкт колга доклад мархта выступил Мордовский АССР-нь Совнаркомъ председа-телец Верендякин ялгась.

Докладта меле ушедсть ожив-вленной преният.

Освободительхнень радостнайста васьфтемасна

Лама кизот эсь родинаснон эзда насильственна оторженной Бессарабиянь народсь муявсь Румынский игать ала. Оцю нади-ямаса ванць сон Советский Союзть шири, учсь эсь освобождениянц. И сась радостнай шись.

Панчфса, якстерь знамьса, киши-са-салса васьфнесазь Бессарабиянь и Севернай Буковинань народтне эсь освободительничаснон Якстерь Армиять. Велетнень, ошнень, местечкатнень эзга, коза суvasь Як-стерь Армиясь, стихийна тиен-девать митингт. Крестьятне пал-сихть, ашкоряихть боецнень кргас и сельмеведеньбачк корхтайхть:

— Минь учеме эсонт 22 киза—...Спасиба минцень эздонк, минь шабаньконь и уноконьконь эзда ся ломанти, кие кучедязь тивь тязя,—спасиба родной Сталинт!

Севернай Буковинань крупней-шай ошса Черновица сембе кут-тне и улыятне Якстерь Армиять самс ульсть наряджафт якстерь флагса. Народсь васенце марязе эсь прянц азоркс площадтнень и улыятнень лангса. Знамена и ор-кестра мархта освободинаф на-родсь васьфнезень советский вой-скатнень.

Черновица ладсеви од эряф. Якстерь Армиянь частьтне сявозь эсь охраснон алу фабрикатнень и завогтнень, сембе ошть. Пу-

роптфт рабочей отрядонь васень отрягтне, конат занязь эсь пост-снон предприятиятнень эса, улы-цятнень эса.

Кулемок малаткшни самолет-тнень увфснон, Кишиневань сембе эряйхне лиссть улыцыв. Радостень порывса синь эздост ламось йо-рясть картузса, рущияса. Аватне-вяри кепсезь эсь идснон. Аэро-дрому, валкф самолеттнень перьф, пуромсть лама ломатть. Радость эзда тязя улысть и сельмеведть, и рахамат, и танецт.

Кишиневть улыцязон эса крас-ноармеецнень прважакшнесь наро-донь целай толпат. Нюрхкия лотксематнень эса курукста тиен-девать митингт. Лужана ве-лень эряйхне веть ручной фонарь-са боецнень валдопнесть ки. Аф-ваномок позднай пингть лангс, кут-тнень изь иляда фьявок ломань.

Румыниять столицастонза-Буха-рестста пафнихть, што июнь 28-це шистонза главнай вокзалти пуромсь ломанень оцю толпа, ко-нац йорась повомсэкспрессти, ко-нац моли Кишиневу. Лама пас-сажирхт ашесть сата вастт поезди, сяс мес сон улысь вельф пашксе. Ла-ма бессарабиецт, конат тямис эрясть Румынияса, кадомок сем-бонь, тушендыхть родиназост—ос-вобожденнай Бессарабияти.

(ТАСС).



Идень творчествань Инсарский районь олимпиадань участница Калмыкова Ни-нась выдвинутай участникс республи-канский олимпиад.

СНИМКАСА: 14 кизоса стирнясь Кал-мыковась морай баянца рузонь народнай морхт.

Фотось М. Логутоват.

СИНЬ КЕЛЬГОМА ПРОФЕССИЯСА

Майть 15-це шистонза Ковыл-кинский 43-це № железнодорож-най средняй школань 10-це клас-сонь ученикне кирдсть испытания мекольдень дисциплинатнень коряс. мезть мархта синь аделавсь 10 кизаквалмонь тонафнемасна.

10 классонь ученикнень эзда ла-мосна аноклайхть поступиндама-ля учебнай заведениятненьди. Синь эздост кажнайсь эстеенза кочкась ни кельгома профессия. Ученикне: В. Жбанов и В. Рого-жин азозь эсь мяльснон улемс отважный военной морякокс. Нат кафецке ученикне-комсомолецне, кода ОСВОДО-нь члетт, цебарь-ста тонадозь симофорнай азбу-кать, кораблян типнень и синь устройстваснон, спасательнай ин-вентарть, водолазонь тевть и лиятнень.


Вов Касаткин Володьясь, конац средняй школать аделазе от-личнай оценкаса, пияк кельгсы физикать и математикать. Сон эстеинза кочкась профессия пияк связанай нят наукатнень мархта. Примамать колга макссь ни заявления Ленинград-ский кораблестроительнай инсти-туту (механический факультету).

Тонафнемаса ударница А. Ма-каровась моли тонафнема Тимирязевть лемса Московский сельско-хозяйственной академияв, Жбано-вась и М. Шушпановась кармаихть гонафнема врачекс, а А. Долгу-шевсь— машинистокс.

Нинге йотай аф лама пинге и 10 классонь учениконь дружной коллективсь срады: синь туйхть тонафнема великай родинаньконь разнай учебнай заведениянзонды разнай ошнзонды.

М. Водякова.

Ковылкинский район.



Няфтезь юнай талантсн

Июнь 20—21-це шинзон пингста Торбеевский райононь кино-театрать залсонза йотафтовсь идень творчествань районнай олимпиадась. Олимпиадаса участвовандась кефкие школа. Синь йотксост ульсь рузонь, мокшень и татаронь школат.

Лац исполнил „Казачка“ и „Циганка“ танецнень Дракина велень аф полнай средняй школань ученицась Вергазовась. Тякажа школань 5-це классонь ученикс Змеев Васясь выступил организатором мархтозна оркестраса. Васясь, аф в а н о м о к п я к од шинц л а н г с, школаса организовандась и тонафнема кизоть аделамс вятьсь руководства струнной оркестрань кружокть мархта.

Организованная и цебарьста выступали Тат-Ювня велень НСШ-нь ученикне и ученицатне. Синь наряжафтольхть национальный костюмса. Морасть „Гельсара“ и „Содиле“ татаронь морхень. 1-це классонь ученицась Кудяковась татаронь кяльса декламировандазе „Парошютисты“ стихотворениять. Виндрейский средняй школань физкультурнай кружоконь четтне цебарьстатисть физкультурвай выступлений. Отличницась, комсомолка Колмыковась тись акробатический номерхт.

Эряви азомс, што кой-кона школань руководителхне пяк кржа мяльда шарфнесть тя тевть анокламанц ш и р и. Сургодский НСШ-нь директорсь Енакаевсь и Мокша Ювн велень НСШ-ть директорц Демкинць ашесть шарфне кодамовок мяль идень творчествань олимпиадаты анокламанть шири.

Ня школань директорхненди эрвихть максемс сембе возможностьне, штоба лацкас анокламе республиканский олимпиадаты и сатомс васень вастть республикаса.

Г. Немов.

Торбеевский р-н.

ЭРЬ КОЛХОЗТИ — ВОДОЕМ

Дружнайста работаць

Николаевка велень Ворошиловть лемса колхозонь колхозникне оцю энтузиазма мархта кярмодсть колхознай водоемонь, прудонь, плотинань строяма.

Колхозсь строясь пяк цебарь насосной станция, коңац нолдаф работас июнь 22-це шистонза. Станциясь кармай орашандакшнема 40 гектар перень сьора. Тяда башка колхозникне сембе вийса кярмодсть колхознай пруттнень, плотинатнень и эшихнень петемост. Синь петезь ташта плотинать, конань об'емоц колма тьожатть кубический метра.

Ворошиловть лемса колхозонь

колхозникне тердезь Мордовиянь сембе колхознень сянй инкса, штоба тевса отвечамс Таловский райононь „Железнодорожник“ артелинь колхозникнень сьормаснон каршес.

Колхозть кядьса районнай переходящей якстерь знамьсь, конань сатозе тундань видема кампаниять нюрхкяня срокста аделаманц инкса.

Тянийнь пингть колхозникне сембе вийса кярмодсть илядыкс колхознай эшихнень и паксянь родникнень петема.

Лесной.

Саранский район.

Строясть оцю пруд

Колапа велеса Димитровть лемса колхозсь аделазе прудамда прудть. Тя водоемсь тиф велень интеллигенциять инициативаснон вельде. Учительсь-орденоносецсь Алексей Ильич Вельмискинць эсь бригаданц мархта пяк нюрхкяня

пингста аделазе прудонь прудяманц.

Тя прудти колхозсь йорай маластонь пингть нолдамс калхт. Тяда башка тя прудть пяк оцю противопожарнай значенияц.

П. Голованов.

Ст.-Синдровский район.

Инезиень питомник

Мордовский АССР-са васенце васта лувондови Сталинть лемса Саранскийнь „Гигант“ колхозть инезиень питомник. Питомниксь занци 13,5 гектар. Сонь эсонза омбоце кизось бригадиркс работай мичуринець-стахановець Полежаев я л г а с ь. Полежаевсь кафта кизонь работасонза пяк цебарьгофтозе питомникть.

Питомниксь ащи цебарь состоянияс. Инезикснень ю р с н а у р я д а ф т, йотксост аяш фывок сор тише. 13,5 гектар площадть эзда Полежаевть и консервной комбинатса Саранский опытной опорнай пунктть заведующийнц, научнай сотрудникть Шишкин ялгать руководстваснон вельде 0,5 гектар площадть лангса тиф опытной участка. Опытной участка касфтови „Турнер“ сортонь цебарь инезикст.

1939 кизоня колхозсь 13,5 гектар площадть лангста получась 14 тонна цебарь сортонь инези. Ня инезихнень колхозсь максозень

Саранскийнь консервной комбинату, конатнень инкса получась 12 тьожянь цалковайда лама доходность.

Питомникть сядонга цебарьгофтоманц инкса пяк оцю лезкс максси колхозонь председателсь Иван Николаевич Полдомасов ялгась. Питомникти сон кемоктасть лама колхозникт постояннай работас. Бригадаса эсь работасот образец няфнихть Никулин Василий Александрович, П. С. Тужилин и А. Н. Осин ялгатне. Синь эршиня няфнихть седи ваксстонь забота од инезикссятнень мельге якамаса.

Ня шитнень питомниксь кармай панжема. Полежаев ялгась корхтай, што тядень кизоня питомниксь максы нинге сядонга оцю доходность. Полежаев ялгась сяссь эсь лангсозна обязательства, штоба тядень кизоня получамс эрь гектарста аф 1,5—2 тоннада кржа урожай.

Ф. Бикеев.

Инструкторонь анокламань

Саранск ошса шиста-шис касыхть значкистнень лувкссна и сядонга касонды од ломаттнень мяльсна максомс норматнень ся или тона обороннай значокти. Штоба йотафтомс эряфс од ломаттнень ня арьсемаснон, эрвихть инструкторхт, конат ба сембе вийнь путозь кярмодельхть значкистонь аноклама тевти. Саранск ошень стрелковой клубса работай стрелковой спортонь инструкторхт. Тя школась аф кунара нолдась 26 инструктор, конатнень ламосна эсь учреждениясост или предприятиясост кярмодсть значкистонь аноклама тевти. Тяни стрелковой школась аноклай омбоце категориянь инструкторхт.

Июнь 19-це шистонза стрелковой клубса ушедсь йотафневома занятия ПВХО-нь инструкторонь аноклама кружоксь. Тяса занимадакшни 28 ломань. А. Мезьякаев.

Аф нарушандакшнемс правительственной постановления

Кадошкинский райононь Пою велень советоса „Революция“ колхозонь председателсь В. М. Челмакинць грубайста нарушандакшнесы „Колхознай и общественной модатнень разбазариваниять эзда ванфтомаса мератнень колга“ ВКП(б)-нь ЦК-ть и СССР-нь СНК-ть постановленияснон.

Левинць и Антасовсь колхозонь правлениять апак кизефтть тусть производсва. Синь семьясна аф примосихть кодамовок участия колхознай тевнень эса, а Челмакинць тейст макссь приусадебнай участак ровнайста честнай колхозникнень мархта.

Нинге улихть тяфтама факт, што кой-кона колхозникне присвоили эстейст лишнай приусадебнай участак. И. А. Антасов и П. Н. Тюрминць витчихть 0,11 гектархт колхознай лишнай мода.

Пою велень партийнай и комсомольский организациятненди эрви шарфтомс серьезнай мяль сян лангс, штоба кярмс ня колхозникнень приусадебнай лишнай участакснон.

И. Чепин.

МОЛОДНЯКТЬ ЛАНГСА ЮНАЙ ШЕФНЕ

Калининский областсь, Кесовогорский школань пионерхне, вете кизот шефствовандайхть колхознай вазнятнень лангса. Мекольден колма кизотнень, шабатне касфтсть 203 вазня, конат сембе шисот и ашихть цебарь упитанностьса.

Васенда Кесовогорский школань пионерхне мольсть „Заветы Ильича“ колхозти 1934 кизоня. Синь ульсь ветенест. Недоверчивай мзелдомаса васьфтезь синь колхозникне, особенна снйра, мзярда шабатне азозь, што синь йорайхть сямомс шефства вазнятнень лангса.

Но шефствань инициаторсь, Витя Войдаляскийсь, ашесь эсь мялензон лангса шабатнень нолдазь работам телятнику. Йотась аф лама пинге, телятника тиевсь образцовай порядка. Витянь бригадакармась аннемоствазнятнень рационц коря, гись телятникть эса чистота и тиезе сонь лямбоста. Вазнятнень сярядькстомасна лоткафть, синь кассть шумбраса и справнаста. Срадсь колхозникнень школьникненди аф верондамасна. Кесовогорский школьникнень колга славань ичкози марявсь Советский Союзть эзга. 1935 кизоня тя рабо-

тань инициаторть Витя Войдаляскийть правительствась казезе Знак Почета ордена.

„Заветы Ильича“ колхозть молочно-товарнай фермац лувонды 100 лама сюрю жувата. Жуватань оцю пирьф, силоснай башнятне и телятникне—МТФ-ть сембе постройканза цебарьхть. Лямбе, чистай и валда телятникса, од башка стойласа ашихть юнай шефнень питомецсна. Кодак суват, столбаса нюрги график. Сонь лангсозна сьорматф: молоднякнень лангса шефский бригадаты дежурствань спискац. Бригадада 2, каньтай эса 7 ломатть.

Аккуратнайста сьорматф дежурнайхнень фамилиясна и лемсна, дежурствань шитне. 1-це бригадаты графикоц кемокстаф бригадирть Нина Колобаевать подписенц мархта. Омбоце бригадаса бригадирсь Степан Чупринць. Шефонь кружокти старостакс 1939 кизоня кочкаф Ася Ивашкинась—инь сире шефсь. Бригадань эрь членте кемокстаф подшефнай вазня.

Подшефнайхне лац содасазь эсь шефснон и веселай, оживленной парамаса васьфнесазь шабатнень. Шефне эрь шиня вазнятнень чи-

стендакшнесазь щеткаса, лихнесазь синь прогулкас. Прогулкада меле, вазнятне мрдчихть стойлатненди, конат тя пингти чистайста урядафть и ацафть эзост парганьста свежай шужарият. Шефне тщательнайста ваныхть вазнятнень рационцонь мельге, синь симдеманон мельге. Штоба вазнятне лац касольхть, афольхть сярядь рахитса, и улельхть синь кемот пакарьсна, лофти, конанц эзда синь симнесазь, кайсихть пур али пакарь почфть. Аннесазь обязательнай часте каря. Температурась телятникса цельсиять коряс фалу аф 10—12 градуста йолма. Штоба содамс, кода касыхть вазнятне, шефне синь эрь ковти кафксть весендакшнесазь. Вазнятне касыхть тазаста и шумбраса.

Ламоксть шабатне васьфнесть стойласта кржа шужарьда, а койкоста и йомла температура. Вазнятне эйндакшнесть, особенна ся сидеста эрясь сьоксенда. Шабатне эстакге азонкшнесть колхозть председателенцы и телятниксь куроқта ульсь урядаф.

Весть Расторгуева Любась и Чуприн Степанць няезь, што синь подшефнайснон эса эвондасть лишайхть, шабатне кеподсть тревога. Сяряди вазнятнень аерфтозь шум-

братнень эзда. Ульсь сергятьф ветврач, коңац макссь мазь. Аф лама пинге йотазь мазьса вадемда меле, вазнятне пчкасть.

Шабатне аф шуроста эрляхть колхозть производственной совещаниясонзон эса и аф весть макссезь эсь поправкаснон, конат основанайхтельхть наблюденияснон лангс.

Сидеста шабатнень мархта работакшни синь школаса руководителсна Николай Герасимович Половиновсь. Сон максси направления кружокть работанцы. Районнай земельнай отделть зоотехникоц Карасев ялгась тяфта жа лезни шабатненди, азонкшни тейст велень хозяйствань животнайхнень значенияснон колга, вазнятнень теласнон строенияц колга и йотафни юнай шефнень мархта тозк телятникса занятия. Всесоюзнай сельскохозяйственной выставкать юннатонь павильонца посетительхне знакомятсь юнай шефнень работаснон мархта и синь примерснон коряс тонадыхть активна лездема колхозса животноводствать касфтоманцы.

Ответ. редакторть заместителц И. ЧУДАЙКИН.